



Musumbuluwo, 7 Lambamai 2025

MUGAGANYAGWAMA WA NYALUWO NA MVELEDZISO YO TANGANELANWAHO

Kha Vhadzulapho vha Afrika Tshipembe,

Vhege yo fhiraho, phalamennde yo ṭanganedza Mutheo wa Masheleni a Shango na Madzinginywa a Muthelo zwa 2025 sa zwo sumbedzwaho nga kha Tshipitshi tsha Mugaganyagwama nga Minisiṯa wa zwa Gwama.

Mugaganyagwama wa 2025 wo livhiswa kha u alusa ikonomi na u tikedza matshilo a vhathu vha hashu.

Ndi tshishumiswa tsha ndeme tsha u ṭuṭuwedza mveledziso, u fhelisa vhushai na u fhungudza u sa lingana. Kha tshifhinga tshine nyaluwo ya ikonomi i sumbedza yo tsikeledzea na khonadzeo ṭhukhu ya u engedza masheleni ane a avhelwa shango, mugaganyagwama u tea u avhela tshomedzo dzi fushaho kha mishumo ine ya ṭuṭuwedza nyaluwo yo tanganelanwaho na u tea mutheo wa mbuedzedzo ya ikonomi yo khwaṯhaho kana i bvelaho phanḁa.

U sumbedza maga a kushumele a ndeme a Muvhuso wa Vhuthihi ha Lushaka: nyaluwo yo ṭanganelanwaho na u sika mishumo, u fhungudza vhushai na u lwa na vhutshilo vhu ḁuraho na u fhaṯa muvhuso u re na vhukoni, u tevhedzaho maitelekwaο na u muvhuso une wa vha na maanḁa a u kona u swikelelo ndivho dzawo dza mveledziso.

Mugaganyagwama u sumbedzisa vhuḁikumedzeli ha muvhuso ha u khwinisa nyimele dza zwiko zwa vhathu vha Afrika Tshipembe.

Nga murahu ha musī zwikolodo zwashu zwo no ṭuswa, 61% ya masheleni ane a ḁo shumiswa kha miṯwaha miraru i ḁaho yo avhelwa kha thuso ya tshitshavha. Izwi zwi katela mbetshelo dza dzilafho ḁa mahala, pfunzo ya fhasi na ya nṯha na dzinndu. Kha miṯwaha ya 24 yo fhiraho ro thoma u shumisa mbekanyamaitele ya thuso ya vhashai ine nga fhasi hayo ha ṽetshedzwa maḁi, muḁagasi na tshumelo dza vhuthathatshili zwa mahala zwi ṽetshedzwaho kha miḁi ine ya fusha ṭhoḁea.

Magavhelo a mindende, a fanaho na ndondolo ya vhana, vhaaluwa na magavhelo a vuholefhali, ndi zwiṯwe zwa zwine zwa shumiswa u fhelisa vhushai. Uno ṽwaha, ndeme ya aya magavhelo i ḁo engedzea ya vha nṯha ha inifulesheni. Gavhelo ḁa u Fhungudza Mutsiko kha Tshitshavha, ḁe ḁa shuma mushumo muhulwane kha u fhelisa vhushai, na ḁone ḁi ḁo engedzedzwa nga muṯwe ṽwaha.

Sa tshipiḁa tsha u khwinisa tswikelelo kha ndondolo ya mutakalo hu ḁo avhelwa masheleni manzhi kha dzikiḁiniki na senthara dza mutakalo dza tshitshavha. Ri khou vhulunga kana u bindudza kha u ṭoḁa na u thola tshoṯhe vhashumeli vha zwa mutakalo, nga maanḁa madokotela na vhaongi, na u thola madokotela vhane vha kha ḁi tou bva u fhedza ngudo dzavho dza u vha madokotela nga murahu ha musī vho no fhedza tshiteṯwa tshavho tsha tshumelo ya tshitshavha.

Mugaganyagwama u avhela masheleni a vhoneḁaho kha dziṯwe tshumelo dza vhadzulapo dza ndeme u fana na vhadededzi, mapholisa, vhashumeli vha zwa shishi na Vhalanguli vha Ndaulo ya Mikanoni.

U khwinisa mvelelo dza pfunzo ndi zwa ndeme kha u takula tshitshavha, u bveledza na u bveledzisa vhukoni vhune ha ṭoḁea kha ikonomi yashu. U avhelwa ha mugaganyagwama zwo itwa u itela u tikedza vhugudisi ha vhadededzi, kha pfunzo ya nyambo mbili nga luambo lwa ḁamuni na mbekanyamushumo dza u gudisa vhana u vhalā vha tshee vhaṯuku. ṽwaha uyu ro vhone u vhulunga kana u bindudza huhulwane kha mveledziso ya vhana vhaṯuku, zwi sumbedzaho vhuḁikumedzeli hashu kha u thoma mutheo wo khwaṯhaho wa mveledziso ya ṽwana muṯwe na muṯwe.

Ho engedzwa maṯwe masheleni o avhelwaho kha mbekanyamushumo dza u thola tshitshavha, zwine zwa vha na mushumo wa ndeme kha u ṽetshedza zwikhala zwa mushumo nga tshifhinga tshine nyaluwo ya ikonomi ya vha i nga fhasi ha mutsiko.

U itela u tšutšwedza zwa vhubindudzi, ho itwa uri hu vhe na masheleni a u tikedza mabindu matšuku. Tshanduko dzi khou itwa kha Mbuelo ya Muthelo ya Vhashumi u itela u tšutšwedza mabindu u thola vhaswa.

Kushumisele kwa masheleni kha la Afrika Tshipembe u itela mishumo ya ndeme kha tshitshavha zwi nga kona u bvela phanda fhedzi arali hu na nyaluwo khulwane ya ikonomi. Mugaganyagwama u avhela tshomedzo dzi vhonealaho u itela u tšutšwedza mveledziso ya themamveledziso, zwine zwa tšutšwedza nyaluwo na u sika mishumo.

Zwo tšanganyiswa, masheleni a swikaho R1 trilion a do shumiswa kha themamveledziso nga tshifhinga tsha vhukati ha nŵaha. Izwi zwi katela u avhelwa kha mugaganyagwama uyu ha maŵwe masheleni a R62 bilioni kha miŵaha miraru i tevhelaho u itela u lugisa dzibada, thambo dza u tshimbidza muḡagasi, thandela dza maḡi na vhuthathatshili, themamveledziso ya zwikolo na mvelaphanda ine ya khou itwa kha thikhedzo ya u vususudza zwiporo.

Hu khou dovha ha tšetshedzwa thikhedzo kha maga a khaŵhisaho nyaluwo kha tshifhinga tsha vhukati ha nŵaha, zwi tshi katela mbekanyamushumo dza u tšutšwedza zwa zwiendedzi, u ita uri mishumo ya mabindu i shumiwe nga mazhendedzi, vhupo ho khetheaho kha zwa ikonomi, u bveledzwa ha zwiendedzi zwa muḡagasi, zwiambaro na malabi na dziŵwe sekithara.

Mugaganyagwama wa 2025 wo ita dzitshanduko kha u avhelwa ha masheleni kha mimasipala na u i konisa u tandulula tšodea dza themamveledziso, u khwinisa nḡisedzo ya tshumelo na u khwinisa sisiteme dzavho dza u kuvhanganya mbuelo.

Kha nyimele ya ikonomi ine ya sumbedza u vha na khaedu – kha lushaka na kha lifhasi – mugaganyagwama wa nŵaha uno u tikedza maga a u tšutšwedza nyaluwo na u fhungudza masiandaitwa a vhushai. U dovha hafhu wa ita uri hu vhe na vhudziki kha masheleni a lushaka na u bvela phanda na u fhungudza tshikolodo tsha lushaka.

Mugaganyagwama u sumbedza zwipikwa zwa ndeme zwa muvhuso kha Nzudzanyo dza Mveledziso ya Vhukati ha Nŵaha, mbekanyamushumo ya miŵaha miṱanu ya kushumele kune kwa vhea phanda nyaluwo nga u tšavhanya, yo tšanganelanwaho, zwi sikaho tshitshavha tshi sa dzhiho sia na u fhaṱa vhukoni ha muvhuso.

Nga tshifhinga tsha musi zwe ra lavhelesa khazwo hu vathu vha Afrika Tshipembe fhedzi, ri tea u shumisa tshomedzo dzine ra vha nadzo tšukhuṱhukhu kha u shumisana u itela u vhuelpwa roṱhe.

Ri vha tamela mashudu,

Cyril Ramaphosa



SHARE



Copyright © 2025 The Presidency, All rights reserved.

Our mailing address is:
The Presidency
Union Buildings | Government Avenue
Tshwane | 2001 | South Africa